

**GEES van VADER**

**GEES van SY SEUN**

## Die Gees van VADER en die Gees van SY SEUN [in liefde]

Die Skrif wat ons het is daar vir ons om te leer en te bestudeer. Baie vrae kom na vore met studie, somtyds is dit moeilik om sekere begrippe te verstaan. Daarom wil ek die Rein Gees of Geeste aanraak in die Skrifte.

As jy weet dat daar 'n VADER en 'n SEUN is, en dat daar net dié Twee WESENS is wat met die mens te doen het, weet jy reeds baie. Dat daar 'n Gees in elk van hulle is moet ons nou ondersoek sodat ons weet met watter Gees YHUH of VADER HOMSELF vereenselwig. Nêrens in die ganse Skrif sal jy lees dat die Gees van VADER of SEUN aanbid of mee gekommunikeer mag word nie. So het VADER of YHUH nie eenmaal met dié Afgesonderde Gees gepraat nie.

Die gees in die Skrif word as "ruach" deurgegee. Ruach, wat gees beteken, beteken ook wind of asem. Ruach kan ook die krag wees wat binne in wind of asem is [Krag van VADER]. As jy die Skrif bestudeer sal jy sien dat ruach uitgestort, gedeel, gestuur of weggeneem word. "Ruach ha qodesh" word gesê dat dit die Gees van VADER is en daarom moet ons dit ondersoek tot opbouing oor die saak rondom ons KONING.

Om die "ruach" eerstens aan te raak moet ons dit tot in aanskouing bring. Kom ons gaan na 'n skrootwerf waar baie metale gehanteer word. In die skrootwerf gebruik hulle 'n kraan met 'n groot ronde magneet om metaalvoorwerpe op te tel en te skuif. Met 'n knoppie of twee druk die bestuurder van die kraan om die metaal op te tel en ook om die metaal neer te gooi, m.a.w. deur krag, deur die metaal wiel wat aan die kraan is te stuur veroorsaak dit 'n magnetisme in daardie wiel en daarbenewens met af en aanskakeling van die krag kan dit voorwerpe optel en neersit. Magnetisme is dus 'n onsigbare – aantrekkingskrag wat nie materialisties of elektronies is nie.

"Ruach" wat in asem of wind teenwoordig is, is onsigbaar, on-materialisties en kragvol. "Ruach", bring die siel in roering [begerig] en wek krag binne in jou. "Ruach", is die Krag binne in die "asem" .

Ons gaan oor na "Qodesh". Met ondersoek na die misterieuse woord praat almal rondom die woord of so nie voeg hulle allerhande bywoorde by om 'n ander betekenis te gee as wat dit werklik moet wees.

"Qodesh" beteken: Apartheid, Geheimenis, Afsonder of Afgesonderdheid. Om te sê dat "Ruach ha-qodesh" VADER se Gees beteken, is nie die volle waarheid nie. "Ruach ha-qodesh" behoort aan VADER en SEUN.

“Ruach ha–qodesh” beteken dus VADER se Afgesonderde GEES of YHUH se Afgesonderde GEES. Hoekom daar wel ‘n Geheimenis daaraan gekoppel word is omrede dit net aan SY Afgesonderde volk behoort [uitverkore volk]. “ha–qodesh” is rassisties of net vir die uitverkore rasegte. Die “Ruach ha–qodesh” van YHUH is in Adam geblaas, m.a.w. nie net asem nie, maar Krag in die asem en so ook Apart en Afgesonder Gees net aan Adam Mal.2:15, wat sy biologiese [*suiwer bloedlyn*] nageslag insluit. Deur “Ruach” kan jy Luk.17:6 laat bewaarheid [*die boom in die see plant*].

Nou dat ons weet wat beide die woorde beteken kan ons oorgaan in waar en hoe om “Ruach ha qodesh” in te pas.

Die Gees van “G-d” [GEES van ons SKEPPER] en die Gees van “H-re” [GEES van YHUH] lees ons sowat 300 keer in die Ou Verbond en slegs 3 keer oor die “Hei-ge” Gees; [Afgesonderde GEES ] {Waarvan ek voel dat daar vertalings fout ingekom het oor die 3 keer van die “Afgesonderde GEES” }. Die “GEES van ons SKEPPER” kom alreeds in Gen.1:2 voor en waarvan die GEES regdeur die Skrif wel voorkom. As jy studie doen oor die GEES van ons SKEPPER sal jy sien dat die GEES gewoonlik “op of oor” die mens kom. Die “GEES van YHUH” in die Ou Verbond kom gewoonlik in die mens voor en wel hier en daar op of oor die mens.

Die “Hei-ge” Gees [Afgesonderde GEES] is ‘n Nuwe Verbond term. Skrif studente sal natuurlik die verskil van GEES benaming toegee aan Ou en Nuwe verbond skrywers. Ou Verbond was Hebreeus /Aramees en die Nuwe Grieks. Ek kan nie saamstem nie, weens dat hetsy die Romeine of die Grieke hul eie gode aanbedding gehad het, en so het die Israeliëte hul eie. Elk van hulle het hul eie skrifte in hul eie taal gehad, waar die Jode wel die Israelitiese Skrifte geassimileer het en probeer [wat hulle wel reggekry het] het om dit in die Griekse mitologie in te werk. Dit eers daar gelaat.

Die “GEES van YHUH” is GEES van Wysheid, Verstand, Raad, Sterkte, Goed, Kennis, Strafgerig, Uitdelging, Vrees en GEES van Guns. So kan ons ook sê van die GEES van VADER en die GEES van Afgesonderdheid, maar die GEES van Afgesonderdheid het ‘n besondere funksie of betekenis by gekry. YAHUSHA het dit duidelik gestel in Joh. 7:39 *En dit het Hy gesê van die Gees wat dié sou ontvang wat in Hom glo; want die Afgesonderde Gees was daar nog nie, omdat YAHUSHA nog nie Lofwaardig was nie, m.a.w. dié GEES is net vir die afgesonderde ! Joh. 14:17 die Gees van die waarheid wat die wêreld nie kan ontvang nie, omdat dit Hom nie sien en Hom nie ken nie; maar julle ken Hom, omdat Hy by julle bly en in julle sal wees.*

Nou kan ek sê, VADER se Geskepte, Welbehae GEES is "YAHUSHA". Dit is soos die boom van die LEWE. Die boom is nie die LEWE nie, maar behoort aan die LEWE, m.a.w. die boom is 'n wese [engel] wat aan die LEWE behoort; twee verskillende Wesens waarvan die LEWE die besitter is van die boom. VADER besit ontelbare geeste wat engele en gerubs insluit. VADER het vir YHUH gegeneer [*geskep laat voor kom*] as Eersteling, waarvan VADER YHUH oor SY Skepping gestel het, onder andere oor SY geeste. Daarom kan ek sê YHUH die HEERSER oor die geeste van VADER. YHUH was in die geestelike realm [*wat ons nie kan sien en verstaan nie*] en het gekom as YAHUSHA [YHUH–SHA] wat opgevaar en weer daardie lofwaardigheid ontvang wat HY gehad het, Joh.17:5.

Nou kan ek ook sê dat die "AFGESONDERDE GEES" verteenwoordig YAHUSHA, hoekom? Joh. 17:8 *Want die woorde wat U MY gegee het, het EK aan hulle gegee; en hulle het dit ontvang en waarlik erken dat EK van U uitgegaan het, en hulle het geglo dat U My gestuur het.* Joh. 17:9 *Ek bid vir hulle; Ek bid nie vir die wêreld nie, maar vir die wat U My gegee het, omdat hulle aan U behoort.* Matt.10:6; 15:24,26 ; 19:11,28; 25:32,34; Joh.17:8,9; Open.7:4.

Nou weet ons dat die groot verborgenheid van die "AFGESONDERDE GEES" YAHUSHA is. HY is die "AFGESONDERDE" vir die afgesonderdes. HY het SY GEES oor SY dissipels geblaas [Joh. 20:22 *En nadat HY dit gesê het, blaas HY op hulle en sê vir hulle: Ontvang die AFGESONDERDE GEES.*] Met YAHUSHA ["Ruach ha–qodesh"] binne ons, is VADER met ons! Joh. 13:20...*ontvang MY; en wie MY ontvang, ontvang HOM wat MY gestuur het.* Ons moet besef dat YHUH altyd VADER verhoog het, want Joh.13:16 sê: die EEN wat MY gestuur het is groter as EK.

### VADER en SY SEUN [binne jou]

1 Joh. 4:9 *Hierin is die liefde van VADER tot ons geopenbaar, dat VADER SY eniggebore SEUN in die wêreld gestuur het, sodat ons deur HOM kan lewe.* 4:6 *Ons is uit VADER; hy wat VADER ken, luister na ons;* 4:7 *Geliefdes, laat ons mekaar liefhê; want die liefde is uit VADER, en elkeen wat liefhet, is uit VADER gebore en ken VADER.* 4:2 *Hieraan ken julle die GEES van VADER: elke gees wat bely dat YAHUSHA dié GESALFDE in die vlees gekom het, is uit VADER;* 4:13 *Hieraan weet ons dat ons in HOM bly en HY in ons, dat HY ons van SY GEES gegee het.* 4:14 *En ons het aanskou en ons getuig dat die VADER die SEUN as LOSSER van die wêreld gestuur het.* 4:12 *Niemand het VADER ooit aanskou nie. As ons mekaar liefhet, bly VADER in ons en het SY liefde in ons volmaak geword.*

*1 Joh.4:17 Hierin het die liefde by ons volmaak geword, dat ons vrymoedigheid kan hê in die oordeelsdag; want soos HY is, is ons ook in hierdie wêreld.*

VADER is LIEFDE, so ook SY GEES [YHUH dié geeste HEERSER]; Openbaring van SY liefde {was} is SY SEUN wat lewe skenk; Net biologiese seuns kan luister; Slegs die wat dié SEUN bely is waardig om "van" VADER se GEES uit latentheid te laat ontwaak. Aanskoulik is die GEES van VADER, maar nie vir die wêreld nie, tog is ons die spieëlbeeld van YAHUSHA vir VADER in hierdie wêreld! Ons as individu staan voor VADER, waarvan HY SY GEES in elk individueel geplaas het met geboorte, maar waarvan HY verskillend grote van SY GEES binne in hulle vrygelaat het [uit latentheid].

Liefde wat in Joh. 15:10 uitgewys word [*As julle MY gebooie bewaar, sal julle in MY liefde bly, net soos EK die gebooie van MY VADER bewaar en in SY liefde bly*] word baie misbruik. Die mens op aarde word deur satan en sy magte verwar met woord en daarom moet daar altyd versugting intree veral as daar vreemde woorde intree wat nie in jou taal is nie [Latyns, Grieks, Hebreeus, ens]. Soos die woord "Agape" Agape is gekoppel aan liefde, waarvan dit wat was, en nie meer is nie, gespeel en misbruikend toe kan tree. Dit word gekoppel aan verlange aan een wat bv. dood is.

Agape word in rituele geken tot in die jongste eeu vandat daar 'n eerste mens gesterf het [na Noag se vloed]. Sommige gelowe het Agape, Agapae gespel. Agapae was gekoppel aan musiek [soos Agape] en 'n klomp vulgêrheid rondom die dooie.

Die gebruiklike doel rondom Agape is om die mens wat na 'n afgestorwe se begrafnis gekom het, gelukkig te maak deur om musiek te maak en ook om te dans en 'n fees te hou [waar gewoonlik drank teenwoordig is]. Die oorledene moet eers gesalf en gekroon word met rose, so ook moet die gaste [besoekers] gesalf word. Wyn en melk word rondom die graf gestort en kosse word gegee aan die lyk van die oorledene. Agape is dus 'n onsienlike gees aanbidding. Agape is 'n aangenome tradisie van die Grieke wat sê: eet, drink en wees vrolik; kyk na die dansers en luister na musiek, want die dooie self spreek [Die Jode noem dit die broederlike fees]. Agape het sy ontstaan rondom Nimrod era gehad wat onder die naam "marzeah" geken was. "Marzeah" het 'n verband met die antieke Kanaänitiese stad Ugarit (moderne Ras Shama) op die kus van Aram. Die "marzeah" se doelstelling was dat daar 'n eenheid in geloof moet wees, en daarom die sodanige innerlike liefde "Agape" [een god, een taal en een geldstelsel vir almal "illuminati" wêreldheerskappy]. "Agape" wat eintlik 'n kultus is, wat die Christendom gesimuleer het van ander volke behoort nie by die uitverkore volk van YHUH nie.

Om af te sluit oor "Agape"; Nêrens in die skrif sal jy die naam "Agape" kry nie. Aan die Israeliete se kant was dood, waar die Liefde van YAHUSHA geopenbaar was, nie gesien as die einde van die mens nie, maar as die begin van 'n nuwe afgesonderdheid. Waar die maaltyd wat YAHUSHA as voorbeeld vir ons gelaat het op aarde waarin ons moet glo. YAHUSHA het ook duidelik gesê: Dit is MY... [Myne], m.a.w. HY wys na die wat teenwoordig was [12 apostels] "Julle is Myne" "Julle is MY Bloed" "Julle is MY Liggaam" [*versekerde gemeenskap iets onbekend*] "Vir julle lê daar 'n toekoms anderkant die dood

Ns:

Met afsluiting moet ek noem, die dag toe jy gedoop was deur 'n broer in dié NAAM van YAHUSHA was jy innerlik rein en oopgemaak vir die verborge skat van die "AFGESONDERDE GEES" wat onsigbaar lê en wag . Met die handoplegging en gebed daarna word jy gedoop met die bloed van YAHUSHA. Nou ontvang jy dié REIN en Aparte GEES van YAHUSHA waarvan YAHUSHA, VADER se "GEES" is. Hand. 8:15-17